



Broj: 05/2-50-13-348-11/14

Sarajevo, 18. 12. 2014.

## Z A P I S N I K

### 11. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 18.12.2014., s početkom u 11 sati.

**Prisutni članovi Odbora za žalbe građana:** Vjekoslav Vuković, predsjednik, Bakir Dautbašić, prvi zamjenik predsjednika, Borislav Radić, drugi zamjenik predsjednika, Negosava Stjepanović, Semir Šut, Tihomir Marinčić i Aleksandra Martinović.

**Ostali prisutni:** Zoran Savić i Mladen Bjelaković iz Direkcije za koordinaciju policijskih tijela BiH, Ramiz Škulj iz Agencije za istrage i zaštitu (SIPA), Zoran Stupić i Velimir Pržulj iz Granične policije BiH, Denis Hadžović i Almir Kržalić iz Centra za sigurnosne studije, Alma Tajić-Kurto, sekretar Odbora za žalbe građana, i Zoran Brkić iz Sektora za odnose s javnošću u Sekretarijatu Parlamentarne skupštine BiH.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

## D N E V N I R E D

1. Usvajanje Zapisnika 10. sjednice Odbora za žalbe građana Parlamentarne skupštine BiH;
2. Razmatranje žalbe na rad policijskog službenika Direkcije za koordinaciju policijskih tijela BiH, broj: 05/2-50-17-227-36/14, od 9.9.2014, i obavještenja Direkcije broj: 20-02/1-07-6-1027-12/14, od 25.11.2014.;
3. Razmatranje žalbe na rad policijskog službenika Državne agencije za istrage i zaštitu broj: 05/2-50-17-227-42/14, od 18.9.2014., i Izvještaja Državne agencije za istrage i zaštitu broj: 16-08-34-3-4254-4/14, od 14.11.2014.;
4. Razmatranje žalbi na rad policijskih službenika Granične policije BiH:
  - a) žalba broj: 05/2-50-17-227-39/14, od 9.9.2014., i Izvještaj o izvršenim preliminarnim provjerama Granične policije BiH, broj: 17-07-34-4-1786-12/14, od 28.11.2014.;
  - b) žalba broj: 05/2-50-17-227-47/14, od 2.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2769/14-02, od 6.11.2014.;

- c) žalba broj: 05/2-50-17-227-48/14, od 13.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2885/14-02, od 17.11.2014.;
  - d) žalba broj: 05/2-50-17-227-50/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-34-7-3104/14, od 30.10.2014.;
  - e) žalba broj: 05/2-50-17-227-53/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-04-13-3048/14, od 3.11.2014.
5. Obavještenje Granične policije BiH, broj: 17-05-6-02-3-1094-11/14, od 10.12.2014., u vezi s realizacijom zaključka Predstavničkog doma Parlamentarne skupštine BiH, broj: 01/a-50-1-15-64/14, od 26.3.2014., te Preporuke Odbora za žalbe građana broj: 05/2-50-13-348-10,2/14, od 2.12.2014., o uspostavi sistema videonadzora na graničnim prijelazima Bosne i Hercegovine;
6. Razmatranje Nacrta izvještaja o radu Odbora za žalbe građana Parlamentarne skupštine BiH za period mart-decembar 2014. godine;
7. Tekuća pitanja:
- a) obavještenje Granične policije BiH, broj: 17-07-34-7-3189/14-02, od 14.11.2014., u vezi sa izvršenjem zaključka s 8. sjednice Odbora za žalbe građana koji se odnosi na predmet J. Ž., broj: 05/2-50-17-227-28/14.

Predloženi dnevni red usvojen je jednoglasno.

Prije početka rada po usvojenim tačkama dnevnog reda, predsjednik Odbora upoznao je prisutne o tome da će sjednici prisustvovati članovi Centra za sigurnosne studije Denis Hadžović i Almir Kržalić, s kojim Odbor u narednom periodu planira sarađivati.

#### **Ad. 1. Usvajanje Zapisnika 10. sjednice Odbora za žalbe građana Parlamentarne skupštine BiH**

Zapisnik 10. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

#### **Ad. 2. Razmatranje žalbe na rad policijskog službenika Direkcije za koordinaciju policijskih tijela BiH broj: 05/2-50-17-227-36/14, od 9.9.2014, i obavještenja Direkcije broj: 20-02/1-07-6-1027-12/14, od 25.11.2014.**

Izjaviteljica u ovom predmetu bila je Aleksandra Martinović koja je istakla da je izvještaj nepotpun, da ne sadrži ni osnovne podatke o utvrđenom činjeničnom stanju, te je zatražila pojašnjenje u vezi s dokaznim postupkom koji je provoden u ovom predmetu.

Zoran Savić iz Direkcije za koordinaciju policijskih tijela pojasnio je da se izvještaj odnosi na predmete D.G. i M.J., jer se oba odnose na postupanje istog policijskog službenika. Također, upoznao je prisutne da je disciplinska komisija okončala postupak i prema odgovornom policijskom službeniku izrekla sankciju.

Članovi Odbora usaglasili su se da izjašnjenje o izvještaju Direkcije za koordinaciju policijskih tijela BiH, broj: 20-02/1-07-6-1027-12/14, od 25.11.2014., odgodi do naredne sjednice, te su istovremeno podržali prijedlog Aleksandre Martinović da će do naredne sjednice dostaviti cjelovit izvještaj koji će sadržavati potpuni opis utvrđenog činjeničnog stanja.

**Ad. 3. Razmatranje žalbe na rad policijskog službenika Državne agencije za istrage i zaštitu broj: 05/2-50-17-227-42/14, od 18.9.2014., i Izvještaja Državne agencije za istrage i zaštitu broj: 16-08-34-3-4254-4/14, od 14.11.2014.**

Vjekoslav Vuković, izvjestilac u ovom predmetu, ukratko je iznio činjenice iz spisa. Izvještaj Državne agencije za istrage i zaštitu broj: 16-08-34-3-4254-4/14, od 14.11.2014., prezentirao je Ramiz Škulj, koji je rekao da nije utvrđeno da je policijski službenik SIPA-e povrijedio službenu dužnost, te da SIPA u cijelosti ostaje pri Izvještaju i činjenicama utvrđenim u njemu.

Odbor za žalbe građana jednoglasno je usvojio navedeni izvještaj.

**Ad. 4. Razmatranje žalbi na rad policijskih službenika Granične policije BiH:**

- a) *žalba broj: 05/2-50-17-227-39/14, od 9.9.2014., i Izvještaj o izvršenim preliminarnim provjerama Granične policije BiH, broj: 17-07-34-4-1786-12/14, od 28.11.2014.;*
- b) *žalba broj: 05/2-50-17-227-47/14, od 2.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2769/14-02, od 6.11.2014.;*
- c) *žalba broj: 05/2-50-17-227-48/14, od 13.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2885/14-02, od 17.11.2014.;*
- d) *žalba broj: 05/2-50-17-227-50/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-34-7-3104/14, od 30.10.2014.;*
- e) *žalba broj: 05/2-50-17-227-53/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-04-13-3048/14, od 3.11.2014.*

U okviru ove tačke dnevnog reda Odbor za žalbe građana razmatrao je pet žalbi na rad policijskih službenika u Graničnoj policiji BiH i izvještaje o izvršenim preliminarnim provjerama po žalbama Ureda za profesionalne standarde i unutrašnju kontrolu Granične policije BiH, i to:

- a) **žalba broj: 05/2-50-17-227-39/14, od 9.9.2014., i Izvještaj o izvršenim preliminarnim provjerama Granične policije BiH, broj: 17-07-34-4-1786-12/14, od 28.11.2014.**

Izvjestilac po ovom predmetu bio je Bakir Dautbašić koji je ukratko izložio činjenice koje su sadržane u spisu.

Izvještaj o izvršenim preliminarnim provjerama Granične policije BiH, broj: 17-07-34-7-1982-8/14, od 20.10.2014., prezentirao je Velimir Pržulj koji je istakao da Granična policija BiH u cijelosti ostaje pri Izvještaju i činjenicama utvrđenim u njemu.

Odbor za žalbe građana jednoglasno je usvojio navedeni izvještaj Granične policije BiH.

**b) žalba broj: 05/2-50-17-227-47/14, od 2.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2769/14-02, od 6.11.2014.**

Za izvjestioca po ovom predmetu određen je Borislav Radić, koji je izložio činjenice sadržane u spisu.

Izvještaj Granične policije BiH o izvršenim preliminarnim provjerama Granične policije BiH, broj: 17-07-34-7-1770/14, od 2.9.2014., prezentirao je Velimir Pržulj koji je istakao da Granična policija BiH u cijelosti ostaje pri Izvještaju i činjenicama utvrđenim u njemu.

Na kraju rasprave, Odbor za žalbe građana jednoglasno je usvojio navedeni izvještaj Granične policije BiH.

**c) žalba broj: 05/2-50-17-227-48/14, od 13.10.2014., i Izvještaj o izvršenim preliminarnim provjerama Granične policije BiH, broj: 17-07-34-7-2885/14-02, od 17.11.2014.**

Negosava Stjepanović, izvjestiteljica u ovom predmetu, prezentirala je činjenice iz spisa, pri čemu se posebno osvrnula na činjenicu da je Odbor za žalbe građana već razmatrao žalbu koja se odnosila na istog policijskog službenika, zbog čega ovom predmetu treba posvetiti dužnu pažnju.

Zoran Stupić obrazložio je Izvještaj Granične policije BiH o izvršenim preliminarnim provjerama Granične policije BiH, broj: 17-07-34-7-2885/14-02, od 17.11.2014. U svom izlaganju istakao je da je žaliteljica povukla prijavu, zbog čega je istražni postupak obustavljen.

Odbor za žalbe građana usvojio je navedeni izvještaj Granične policije BiH te se usaglasio o tome da Granična policija BiH, nezavisno od povlačenja izjave žaliteljice u ovom predmetu, treba nastaviti pojačano pratiti rad policijskog službenika M.P. kako bi se preduprijedile eventualne protupravne radnje, jer je pomenuti policijski službenik više puta pominjan u izvještajima Granične policije BiH.

**d) žalba broj: 05/2-50-17-227-50/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-34-7-3104/14, od 30.10.2014.**

Izvjestilac po ovom predmetu bio je Semir Šut koji je prezentirao činjenice iz spisa.

Vladimir Pržulj prezentirao je Izvještaj o izvršenim preliminarnim provjerama Granične policije BiH, broj: 17-07-34-7-3104/14, od 30.10.2014., uz napomenu da Granična policija BiH u cijelosti ostaje pri Izvještaju i činjenicama utvrđenim u njemu.

Odbor za žalbe građana jednoglasno je usvojio navedeni izvještaj Granične policije BiH.

**e) žalba broj: 05/2-50-17-227-53/14, od 3.11.2014., i Izvještaj o izvršenim preliminarnim provjerama Granične policije BiH, broj: 17-07-04-13-3048/14, od 3.11.2014.**

Za izvjestioca po ovom predmetu određen je Tihomir Marinčić, koji je prezentirao činjenice iz spisa, te ujedno predložio da se izvještaj Granične policije BiH, broj: 17-07-04-13-3048/14, od 3.11.2014., usvoji.

Zoran Stupić istakao je da Granična policija BiH u cijelosti ostaje pri svom izvještaju u vezi s ovim predmetom.

Odbor za žalbe građana jednoglasno je usvojio navedeni izvještaj Granične policije BiH

**Ad. 5. Obavještenje Granične policije BiH, broj: 17-05-6-02-3-1094-11/14, od 10.12.2014., u vezi s realizacijom zaključka Predstavničkog doma Parlamentarne skupštine BiH, broj: 01/a-50-1-15-64/14, od 26.3.2014., te Preporuke Odbora za žalbe građana, broj: 05/2-50-13-348-10,2/14, od 2.12.2014., o uspostavi sistema videonadzora na graničnim prijelazima Bosne i Hercegovine**

Odbor za žalbe građana BiH primio je k znanju navedeno obavještenje Granične policije uz konstataciju da se informacije u vezi s realizacijom predmetnog zaključka unesu u izvještaj o radu Odbora za 2014. godinu.

**Ad. 6. Razmatranje Nacrta izvještaja o radu Odbora za žalbe građana Parlamentarne skupštine BiH za period mart-decembar 2014. godine**

U okviru ove tačke dnevnog reda članovi Odbora usaglasili su se da svaki član do naredne sjednice Odbora pripremi svoje sugestije i prijedloge za doradu izvještaja, s posebnim akcentom na formuliranje jasnih zaključaka koji će biti predloženi Parlamentarnoj skupštini BiH na usvajanje.

**Ad. 7. Tekuća pitanja**

U okviru tekućih pitanja razmatrane su sljedeće podtačke:

**a) obavještenje Granične policije BiH, broj: 17-07-34-7-3189/14-02, od 14.11.2014., u vezi sa izvršenjem zaključka s 8. sjednice Odbora za žalbe građana koji se odnosi na predmet J. Ž., broj: 05/2-50-17-227-28/14**

Članovi Odbora za žalbe građana primili su k znanju navedeno obavještenje Granične policije BiH.

**b) saradnja Odbora za žalbe građana Parlamentarne skupštine BiH s Centrom za sigurnosne studije**

U okviru ove tačke dnevnog reda Vjekoslav Vuković predstavio je članove Centra za sigurnosne studije, te je podsjetio prisutne na ranije dogovore da se, s ciljem ostvarivanja saradnje s ovim centrom, njegovi predstavnici pozovu na sjednicu kako bi imali uvid u način rada Odbora.

Također, upoznao je prisutne da je DCAF iz Ženeve dostavio Odboru pismo namjere u pogledu buduće saradnje.

Denis Hadžović je u svom izlaganju prezentirao rad Centra za sigurnosne studije, ciljeve, te način rada u pogledu demokratizacije sektora sigurnosti.

Nakon diskusije Odbor se usaglasio da se prihvati saradnja s DCAF-om, te da se u narednom periodu definiraju oblici saradnje koji će biti realizirani s DCAF-om i Centrom za sigurnosne studije.

Sjednica je završena u 13 sati.

Sekretar  
Odbora za žalbe građana  
Alma Tajić-Kurto

Predsjednik  
Odbora za žalbe građana  
dr. sc. Vjekoslav Vuković